

S'gor teliti isu tahanan lelaki di Indonesia
MalaysiaKini.com
February 6,2012

Kerajaan Selangor kini sedang meneliti laporan berhubung penahanan seorang individu di Indonesia yang dikaitkan dengan PKR dan exco pelancongannya Elizabeth Wong.

Menurut kenyataan sekretariat media pejabat menteri besar, kerajaan Selangor akan membuat tindakan susulan jika ia memberi implikasi kepada kerajaan, pemimpin dan pentadbiran negeri.

"Perkara ini juga akan dibawa ke mesyuarat biro politik PKR pada Rabu ini dan sebarang keputusan akan diumumkan kepada rakyat dengan kadar segera," katanya kenyataan itu.

Media Indonesia kelmarin melaporkan warga Malaysia itu dikenali Azmin Heli ditahan di Batam antaranya kerana memiliki kad pengenalan dan sijil kelahiran.

Hasil pemeriksaan imigresen, dia dikenalpasti anggota PKR dan mendakwa keselamatannya tidak terjamin di Malaysia.

Susulan itu, beberapa blog pro-BN mengaitkannya dengan Wong yang juga anggota dewan undangan negeri Bukit Lanjan.

Sementara itu, kerajaan negeri juga berpendirian cubaan menyalahguna isu itu bagi mempertikaikan kredibiliti seseorang individu adalah tidak beretika.

Copyright © 1999-2012 Mkini Dotcom Sdn. Bhd
<http://www.malaysiakini.com/news/188427>